



Na osnovu člana 14. Statuta Općine Fojnica, („Službene novine Općine Fojnica- Prečišćeni tekst“, broj: 2/15) i člana 5. Pravilnika o raspodjeli sredstava namijenjenih za sport, broj: 01-04-605-20/24 od 18.04.2024. godine, Služba za društvene djelatnosti i stambeno-komunalne poslove raspisuje:

## **JAVNI POZIV**

### **za raspodjelu sredstava namijenjenih za sport u 2024. godini**

#### **I**

Raspisuje se Javni poziv za finansiranje ostvarivanja javnog interesa u oblasti sporta na području općine Fojnica, a u skladu sa Pravilnikom o raspodjeli finansijskih sredstava namijenjenih za sport u 2024. godini, predviđena u Budžetu Općine Fojnica.

#### **II**

##### **Pravo učešća- podnositelji zahtjeva**

Pravo učešća u raspodjeli finansijskih sredstava imaju svi klubovi i udruženja iz oblasti sporta koja se bave sportskom djelatnosti, koja su registrovana u službenoj evidenciji udruženja u Ministarstvu privrede, koji se pridržavaju odredbi Zakona o udruženjima i fondacijama, odredbi Pravilnika, koji djeluju u skladu sa Zakonom o sportu SBK, Federacije BiH i države BiH, a djeluju i rade na području općine Fojnica duže od 1 (jedne) godine. Podnositeljima zahtjeva mogu se dodijeliti sredstva samo za jedan projekt/program u tekućoj godini.

#### **III**

##### **Prijave treba da zadovoljavaju opće i posebne kriterije propisane Pravilnikom.**

Opći kriteriji:

1. rješenje o registraciji (za podnositelja koji se prijavljuje prvi put),
2. identifikacijski broj (za podnositelja koji se prijavljuje prvi put),
3. matični broj za pojedinca (za podnositelja koji se prijavljuje prvi put),
4. godišnji obračun (bilans stanja i bilans uspjeha),
5. godišnji program rada i finansijski plan za tekuću godinu,
6. izvještaj o radu sa finansijskim izvještajem za prethodnu godinu,
7. potvrda Službe za privredu, finansije i budžet o namjenskom utrošku sredstava dobijenih iz Budžeta Općine Fojnica za prethodnu godinu, ili izjava ukoliko nisu bili korisnici istih,
8. prijedlog projekta sa:
  - a. pregledom finansijskog budžeta projekta,
  - b. planom aktivnosti realizacije projekta,
  - c. planom utroška sredstava,
9. ugovor ili potvrda o transakcijskom računu podnositelja,
10. dokaz o nastupima i provedenim aktivnostima (bilteni, diplome, zahvalnice, plakati, prijavni obrasci i sl.) iz prethodne godine,
11. zapisnik sa Izvještajne skupštine udruženja za prethodnu godinu,
12. izjava o broju aktivnih članova kluba/udruženja potpisana i ovjerena od nadležnog organa.

#### **VI**

Posebni kriteriji:

1. rang takmičenja seniorske ekipe u službenim takmičenjima,
2. broj selekcija koje sudjeluju u službenim prvenstvenim takmičenjima,
3. kadrovska struktura kluba (treneri),
4. dugogodišnji rad – tradicija (izvadak iz registra udruženja),
5. postignuti rezultati kluba i pojedinačni rezultati u prethodnoj godini na takmičenjima uz potvrdu granskog saveza koji je organizovao takmičenje,
6. doprinos kluba ili udruženja reprezentativnim selekcijama BIH,
7. broj aktivnih/registrovanih članova kluba (samo pojedinačni sportovi),
8. broj nastupa na takmičenjima u prethodnoj godini (samo pojedinačni sportovi).

#### IV

Za sve učesnike Javnog poziva za raspodjelu sredstava za sport za prijavu koristiti će se Prijavni obrazac za društvene djelatnosti – sport, koji mora biti uredno popunjen i priložen uz traženu dokumentaciju.

#### V

Klubovi i Udruženja dužni su dostaviti izjavu od strane odgovornih lica iz strukovnih saveza o rang u takmičenja, broju članova i ostalu neophodnu dokumentaciju. Kao i uplate kotizacije za takmičenja/manifestacije na kojima su nastupili.

Prijave na Javni poziv sa potrebnom dokumentacijom dostaviti u zatvorenoj koverti sa obaveznom naznakom:

**„Prijava na javni poziv za sufinansiranje projekata iz sporta za 2024. godinu –  
NE OTVARAJ“,  
putem protokola Općine Fojnica ili putem pošte na adresu:  
Općina Fojnica – Služba za društvene djelatnosti i stambeno-komunalne poslove,  
ulica Bosanska 94, 71270 Fojnica.**

Neblagovremene i nepotpune prijave na Javni poziv neće se uzimati u razmatranje.

Javni poziv ostaje otvoren 15 dana od dana objavljivanja na oglasnoj ploči Općine Fojnica i Web stranici Općine Fojnica [www.fojnica.ba](http://www.fojnica.ba).

**Rok za podnošenje prijava je 23.05.2024. godine**

**Korisnici sredstava predviđenih za sport obavezni su za utrošena sredstva odobrena za projekt/program u tekućoj godini, dostaviti izvještaj o utrošku tih sredstava, a najkasnije do kraja tekuće godine. Kontrolu utroška sredstva iz prethodnog stava vrši Služba za privredu, finansije i budžet i dostavlja informaciju o istom Komisiji za društvene djelatnosti.**

Broj: 08-36-752/24  
Fojnica, 08.05.2024. godine



**POMOĆNIK NAČELNIKA**

**Vahid Bureković, dipl. politolog**

## PRIJAVNI OBRAZAC ZA DRUŠTVENE DJELATNOSTI – SPORT

Podnositelj zahtjeva (navesti puni naziv u skladu sa rješenjem o registraciji)	
Adresa kluba	
Odgovorno lice/osoba ovlaštena za zastupanje i njena funkcija (ime i prezime, adresa, telefon, broj mobilnog telefona, e-mail)	
Kontakt telefon i e-mail	
ID broj (Identifikacijski broj porezne uprave)	
Broj žiro-računa, naziv i sjedište banke	
Godina osnivanja kluba	
Broj aktivnih registriranih sportista kluba	a.) b.) c.) d.) <small>a.) do 25 sportista, b.) od 25 do 50 sportista, c.) od 50 do 80 sportista, d.) preko 80 sportista</small>
Rang takmičenja seniorske ekipe u ligaškom takmičenju	
Broj selekcija kluba	
Kadrovska struktura kluba (treneri)	
Postignuti rezultati prethodne godine	
Broj članova u reprezentaciji BIH	
Broj nastupa na takmičenjima prethodne godine	
Naziv projekta	
Kratak opis projekta	

Ja, \_\_\_\_\_, izjavljujem pod punom materijalnom i krivičnom odgovornošću da su svi navedeni podaci tačni i istiniti.

Mjesto i datum: \_\_\_\_\_

\_\_\_\_\_  
Pečat udruženja i potpis odgovornog lica